



Inatsisartunut ilaasortaq,  
Jens NapätôK',  
Naleraq  
Maani/

## **Aalisagartassiissutit pillugu § 37 naapertorlugu apeqqummutnr. 158-2024-mut akissut**

Ulloq: 10-07-2024  
Suliap normua: 2024 - 14009  
All. nr. 24350095

Inatsisartut suleriaasianni § 37-mi imm. 1 naapertorlugu Naalakkersuisunut *PNNP-nik niueruteqarsinnaaneq pillugu apeqquteqarputit*. Apeqqut suliassa qarfigisannit akineqartussanngorlugu innersuunneqarnikuuvoq.

Postboks 269  
3900 Nuuk  
Oqarasuaat (+299) 34 50 00  
Fax (+299) 34 63 55  
Maili: apn@nanoq.gl  
www.naalakkersuisut.gl

### **1. Kimit pisiarineqatassappat? imaluunniit kina tuniniaasuussua? tunissat qanoq annertutigaat?**

#### **a. qanoq akeqartinneqatassappat?**

**1-imut tunngatillugu)** Aalisartut aqutsiveqarfimmi 47-mi PNNP-nik peqareersut, tassa angallataatillit 150-it missaat, pisassiissutinik pisarnertut pisillutillu tunisisinnaassapput. Taakku saniatigut umiatsiaararsortut tamarmik PNNP-nut nammineq kajumissutsiminnik nuuttunut pisassiissutinik amerlanernik pisisinnaassapput namminneq pisassiissutiminnik ilaannilluunniit tuniserusuppata. Minnerunngitsumilli Aalisarnek pillugu inatsimmi § 9-mik naammassinnittunut, pisassiissutinik pisisinnaassapput tamanna kissaatigunikku. Ullumikkut atuuttut assigiinnarpaat, taamaattumik pisassiissutit ilaannik pisisinnaanermut tunngasut allannguivigineqanngillat.

Pisassiissutit qanoq amerlatigisut neqeroorutigineqartassanersut eqqoriarneqarsinnaanngillat, tassa neqeroorutit piumaneqarnerilu apeqqutaasarmata.

**1a-mut tunngasoq)** Pisassiissutit akiinut neqeroorutit piumaneqarnerilu apeqqutaassapput, taamaattumik tassa niuffaffinni qanoq piumasoqartiginera apeqqutaalluni akit inissinneqartassapput.

### **2. Aalisartut pisassaateqareersut qanoq aaqqiiffigineqassappat? uani pineqarput pisassaateqareersut/qaleralittassaqaareersut**

#### **a. taakku akilerlugit pisereernikut qanoq aaqqiiffigineqarnissaat Naalakkersusiut qanoq takorloorpaat**

**2 + a-mut tunngasoq)** Aaqqiiffigineqarnissaat pillugu apeqqummi qanoq isumaqartoqarnerisooq paasiuminaappoq. Angallataatillinnulli aqutsiveqarfimmi 47-mi PNNP-nik peqareersunut 150-it missaanniittunut eqqarsaatigalugit taakkununga allannguisoqassanngilaq. Pisassiissutit ilaannik ullumikkutut pigisamik assinginik piginnittuunnassapput. Umiatsiaararsortulli kajumissutsiminnik PNNP-mut 1. januar

2025 aallarnerfigalugu kingusinnerusukkulluunniit nuukkusullutik qinnuteqarsinnaapput imaluunniit ullumikkutut paggatassiinermi aalisarsinnaassallutik. Ataasiakkaat tamanna aalajangissavaat.

Taakku saniatigut ilisimatitsissutigisinnaavara Naalackersuisoqarfik PNNP-mik aalisarnermut nalunaarummik suliaqalermat, taamaalillutik malittarisassat pissarsiariuminernerulersinneqassapput kiisalu aalisarneq pillugu inatsisip nutaap atuutilinnginnerani ilaatigut allanik killilersuinissat paasinernerulersinneqassallutik. Aamma ilisimatitsissutigineqassaaq PNNP-mut kajumissutsimik nuunnissamut paasissutissat aasap ingerlanerani suliarineqassammata tassungalu qinnuteqarnissamut periaatsimut tunngasut ilanngullugit suliarineqarlutik.

Paasissutissat tamakku ilaatigut paasisitsiniaanermut atorineqassapput, aqutsiveqarfimmi 47-mi aggustip ingerlanerani innuttaasunik ataatsimiisitsinernik ilallugit. Taamaalillutik aalisartut kalluarneqartut inatsimmik allannguutit sukumiinerusumik paasisinnaalissavaat kiisalu aalisartut PNNP-mut nuukkusuttunut qanoq qinnuteqarnissamut periusissamik paasisinnaalissallugu.

Inussiarnersumik Inuulluaqqusillunga



Kim Kielsen  
Aalisarnermut Piniarnermullu Naalackersuisoq